

第一編

賈貴榮 駢宇騫 編

地方志災異
資料叢刊

7



國家圖書館出版社

第一編

賈貴榮 駢宇騫 編

地方志災異
資料叢刊 7



國家圖書館出版社

第七冊目錄

(民國)邯鄲縣志·····	一
(光緒)永年縣志·····	三九
(順治)曲周縣志·····	五九
(同治)曲周縣志·····	六七
(嘉慶)涉縣志·····	七九
(雍正)館陶縣志·····	八七
(民國)續修館陶縣志·····	九七
(民國)成安縣志·····	一一九
(民國)邱縣志·····	一七五

(民國)雞澤縣志·····	一九三
(民國)武安縣志·····	二〇三
(民國)肥鄉縣志·····	二三九
(光緒)臨漳縣志·····	二四九
(民國)磁縣縣志·····	二八三
(民國)邢臺縣志·····	二九一
(民國)寧晉縣志·····	三一—
(乾隆)順德府志·····	三三五
(民國)柏鄉縣志·····	三五七

(乾隆)隆平縣志·····	四一一
(光緒)唐山縣志·····	四二五
(民國)任縣志·····	四四三
(民國)南宮縣志·····	四五三
(光緒)鉅鹿縣志·····	四六五
(民國)沙河縣志·····	四七七
(康熙)臨城縣志·····	四八五

(道光)內丘縣志·····	四九五
(民國)新河縣志·····	五一—
(民國)清河縣志·····	五二一
(同治)平鄉縣志·····	五三五
(民國)廣宗縣志·····	五四七
(康熙)南和縣志·····	五八三
(光緒)南和縣志·····	五八九

楊肇基 修
李世昌 纂

（民國）邯鄲縣志

民國二十九年（一九四〇）北京友文印書局刻本

邯鄲縣志卷一

大事志

邯鄲屬古趙地自周迄今其名未改然自封建而易爲郡縣出專制而變爲共和考其往迹如政權之轉移兵寇之蹂躪與夫水旱蟲蝗疫癘之災或弭患無策或補救有方按年遞著於冊均堪資爲殷鑑是亦爲政者所不可忽乎若夫妖祥怪異之類雖舊志每載及之然事屬迷信不如削之爲宜且嫌近瑣屑亦與體例不符也志大事

周敬王二十年卽左傳定公十年晉趙鞅圍衛邯鄲午以徒七十人門於衛西門

春秋左傳定公十年初衛侯伐邯鄲午於寒氏城其西北而守之宵燿及是晉圍衛午以徒七十人門於衛西門殺入於門中曰請報寒氏之役註云午邯鄲大夫趙鞅族也寒氏晉邑也於是衛人懼貢五百家鞅置之邯鄲

二十三年卽左傳定公十三年晉趙鞅囚邯鄲午殺之趙稷涉賓以邯鄲叛

左傳定公十三年趙鞅謂邯鄲午曰歸我衛貢五百家吾舍諸晉陽午許諾歸告其父兄父兄皆曰不可衛是以爲邯鄲而置諸晉陽絕衛之道也不如侵齊而謀之乃如之而歸之晉陽趙孟怒召午而囚諸晉陽註云晉陽趙鞅邑父兄之謀欲乘齊師

來而藉以歸之晉陽也鞅不察其謀故怒其不用命

二十八年趙鞅拔邯鄲

史記晉定公十八年趙簡子圍范中行於朝歌中行文子奔邯鄲二十一年簡子拔邯鄲中行文子奔柏人又奔齊趙竟有邯鄲柏人

安王十六年趙始都邯鄲

史記趙簡子鞅傳襄子無恤無恤傳獻侯浣浣治中牟傳子籍是爲烈侯其六年卽威烈王二十三年與韓魏相立爲諸侯立九年卒弟武公取立立十三年卒烈侯之子章立是爲敬侯始都邯鄲立十二年卒子成侯種立

顯王十五年魏圍邯鄲

史記成侯二十一年魏圍我邯鄲二十二年魏惠王拔邯鄲齊用孫臏之言引兵伐魏以救趙亦敗魏於桂陵二十四年魏歸我邯鄲盟於漳水上二十五年成侯卒子肅侯諱立立二十四年卒子武靈王雍立立二十七年卒少子惠文王何立

赧王三十二年戊寅趙使藺相如獻璧於秦三十六年壬午秦趙會於渾池五十五年辛丑秦白起坑趙卒四十萬

五十七年秦圍邯鄲楚魏來救圍乃解

史記孝成王八年秦圍我邯鄲平原君如楚請救魏公子無忌亦來救秦圍乃解

秦王政十九年趙王遷降秦邯鄲爲秦

史記王遷八年爲秦所虜自敬侯至是都邯鄲者八世凡一百五十九年

秦始皇帝始并天下爲三十六郡一爲邯鄲郡

綱目質實秦滅趙置邯鄲郡漢廢爲縣屬趙國

二世皇帝元年八月陳武臣至邯鄲自立爲趙王

武臣陳王涉故人也史記武臣立四月其將李良襲邯鄲殺之張耳陳餘遂立趙後趙歇爲趙王居信都秦章邯引兵至邯鄲皆徙其民河內夷其城郭漢二年滅歇四年封張耳爲趙王其年薨五年子敖立立四年廢爲宣平侯

漢高帝九年立子如意爲趙王都邯鄲

十年陳豨反帝自往擊之至邯鄲

史記上至邯鄲喜曰豨不南據邯鄲而阻漳水吾知其無能爲也

高后元年夏五月丙申趙王宮叢臺災邯鄲之有叢臺始見於此
漢書顏師古註曰連聚非一故名曰叢臺蓋六國時趙王故臺
孝景帝四年徙子廣川王彭祖爲趙王是爲敬肅王

史記王嘗上書願督國中盜賊常夜從走卒行微邯鄲中諸使
過客以彭祖險陂莫敢留邯鄲

新莽始建國二年邯鄲立司市錢府官

綱目國師劉秀言周有泉府之官收不售與欲得莽遂於長安及洛陽邯鄲臨淄宛成都立五均司市錢府官司市於民賣物不售者用其本價取之物貴則以平價賣於民又民有乏絕欲賒貸者錢府與之每月百錢收息三錢

莽天鳳二年邯鄲以北大雨水出

綱目水深者數丈流殺數千人

漢更始元年十二月王郎稱帝於邯鄲

綱目王莽時長安中有自稱成帝子子輿者莽殺之邯鄲卜者王郎緣是詐稱真子輿劉林等信之入邯鄲立爲天子徇下幽冀州郡響應次年夏四月大司馬秀進軍攻拔邯鄲即走追斬

之

光武帝建武五年徙封叔父良爲趙王

光武帝命并省郡國天下分十三郡以邯鄲隸趙國

後漢書漢承秦三十六郡自高祖至孝平凡郡國百五世祖以官多役繁乃命并省 漢地理志趙國四縣曰邯鄲易陽柏人襄國襄國卽信都後漢地理志趙國城五又一曰中邱皆屬冀州部

魏文帝黃初六年封子邕爲邯鄲王

魏志是爲懷王自二年封淮南公四年改封陳是年改封邯鄲蓋魏氏王公徒有國土之名而無社稷之實位號靡定大小歲

易云

北魏主珪賜韓果爵邯鄲男

周書果代武川人從太祖討平侯莫陳悅賜爵

魏主修於邯鄲置鹽竈四

北齊後主武平七年八月詔營邯鄲宮

北齊書按隋書五行志武平四年起宮於邯鄲窮侈極麗後宮侍御千餘人皆寶衣玉食與此年互異

隋文帝開皇初封梁毗爲邯鄲縣侯

隋書帝初受禪毗由易陽子進爵爲侯直道而行無所廻辟由是出爲西寧州刺史改封邯鄲縣侯

煬帝大業十年伐高麗還過邯鄲

綱目帝伐高麗八月班師邯鄲賊帥楊公仲帥其黨八千人抄
駕後第八隊得飛黃上厩馬四十二匹而去

唐太宗貞觀元年分天下爲十道以邯鄲隸洛州

初北魏廣平郡隸司州領縣六曰平恩曲安邯鄲廣平曲梁廣
年趙郡則隸殷州別領縣五

魏書

隋武安郡統八縣曰邯鄲曰臨

洺註云東魏廢邯鄲開皇六年改易陽爲邯鄲十年改邯鄲爲

臨洺十六年復置邯鄲別有趙郡統縣十一皆隸冀州

隋書

至是

分天下爲十道河北道洛州統四縣曰滏陽邯鄲武安昭義代

宗永泰元年改隸磁州別有趙州趙郡統八縣

唐書

今按魏晉以後趙郡與邯鄲各爲統屬舊以趙之人與事爲邯鄲者誤矣

宋太宗至道二年分天下爲十五路以邯鄲隸慈州

宋史天聖中又析爲十八路元豐中又析爲二十三路宣和四年又分路二十六慈州爲河北西路政和三年改作磁州鎮三曰滏陽邯鄲武安

元大德十一年仁宗行次邯鄲命察衛士擾民者

元史仁宗出居懷州成宗崩聞哀奔赴行次邯鄲諭縣官曰吾慮衛士不法胥吏科斂重爲民困乃命王傳巡行察之

明太祖洪武初始置十三省布政司以邯鄲隸廣平府